

寅 65

8642.

藥
物
學
問
答

下
冊



藥物學問答卷五目錄

第五章 驅風門

一 桂枝 二 桑枝 三 羌活 四 獨活

五 防風 六 粉葛 附穀花 葉蔓 七 荆芥 八 白芷

九 連翹 十 薄荷 十一 柴胡 十二 前胡

十三 菊花 十四 杭菊花 十五 松節 十六 松脂

十七 豨薟草 十八 大細辛 十九 藁本 二十 天麻 附赤箭 蘆

二十一 秦艽 二十二 鈎藤 二十三 蔓荊子 二十四 白鮮皮

二十五 威靈仙 二十六 側柏葉 二十七 五加皮 二十八 天竹黃

二十九 千年健 三十 槐實 三十一 槐花 附米枝 葉膠 三十二 五靈脂

三十三 決明子 三十四 石決明 三十五 草決明 三十六 白殭蠶

三十七 毛蚱蟬 三十八 芫蟬脫 三十九 完蛇脫 四十 旱蜈蚣

四十一 荆瀝 四十二 石南葉 四十三 全蠍 四十四 蜈蚣



54/037

望露蜂房

兕尋骨風

至斬蛇

兕老鶴草

至海風藤

望過山龍

至黃荊子

兕大伸筋

至金牛草



藥物學問答卷五

長沙畢蕃昌伯勤甫編輯

第五章 驅風門

(一) 問桂枝性格主何効力產於何地

答辛甘而溫入太陰肺太陽膀胱經溫經通脈治傷風頭痛中風自汗調

和營衛使邪從汗出而汗自止亦手足痛風血風 本經上品 產廣東肇慶

六屬

(二) 問桑枝性格主何効力產於何地

答氣味苦平主治徧體風痒乾燥水氣脚氣風氣四肢拘攣上氣眼運肺

氣咳逆消食利小便久服輕身聰耳目令人光澤 產廣西江浙湖

南亦出吾湘多用湖南產

(三) 問羌活性格主何効力產於何地

答味苦甘辛無毒主風寒所擊金瘡止痛奔豚癩瘻女子疝瘕久服輕身



南京中醫藥大學圖書館版權所有

耐老 本經上品 產四川打箭爐

陳修園曰羌活氣平稟金氣而入肺味苦甘無毒得火味而入心得土味而入脾其主風寒所擊者入肺禦皮毛之風寒入脾以禦肌肉之風寒入心助太陽之氣以禦營衛之風寒也其主金瘡止痛者亦和營衛長肌肉完皮毛之功也奔豚乃水氣上凌心火此能入肺以降其逆補土以制其水入心以扶心火之衰所以主之癰疽者木動則生風風來則挾木勢而害土土病則聚液而成痰痰逆於心則為瘧為癰此物藥金氣以制風得土味而補脾得火味以甯心所以主之女子疝瘕多經行後血假風濕而成此能入肝以平風入脾以勝濕入心而主宰血脈之流行所以主之久服輕身耐老者著其扶陽之效也

(四) 問獨活性格主何効力產於何地

答氣味苦甘平無毒主治風寒所擊金瘡止痛奔豚癰瘕女子疝瘕久服

輕身耐老 本經上品 產四川夔州府湖北興山縣亦出

(五) 問防風性格主何効力產於何地

答味甘溫主大風頭眩痛惡風風邪 風病無不治也 目盲無所見 風在上 風行周身 在風

編體也 骨節疼痛 風在筋 煩滿 風在上 久服輕身 風氣除則有此效 本經上品 產黑龍江洮南 徐靈胎註

縣為多又有一種產直隸古北口熱河一帶

凡藥之質輕而氣盛者皆屬風藥以風即天地之氣也但風之中人各有經絡而藥之受氣於天地亦各有專能故所治各不同於形質氣味細察而詳分之必有一定之理也防風治周身之風乃風藥之統領也

問有無禁忌



(六)

答血虛痙急頭痛不因風寒泄瀉不因寒溼火升發嗽陰虛盜汗陽虛自

汗者並禁用畏葸蕪惡乾薑白蘇芫花殺附子毒

問粉葛根性格主何効力產於何地

答氣味甘辛平無毒主治消渴身大熱嘔吐諸痺起陰氣解諸毒

產湖南各省均出

葉天士曰葛根氣平稟天秋平之金氣入手太陰肺經味甘辛無毒得地金土之味入足陽明燥金胃經主消渴者辛甘以升騰胃氣氣上則津液生也其主身大熱者氣平為秋氣秋氣能解大熱也脾有濕熱則壅而嘔吐葛根味甘升發胃陽胃陽鼓動則濕熱下行而嘔吐止矣諸痺皆起於氣血不流通葛根辛甘和散氣血活諸痺自愈也陰者從陽者也人生陰氣脾為之原脾與胃合辛甘入胃鼓動胃陽陽健則脾陰亦起也甘者土之沖味平者金之和氣所以解諸毒也

葛穀氣平味甘主治下痢十歲以上

葛花氣平味甘無毒主消酒治腸風下血

葛葉主治金瘡止血按傳之

葛蔓主治卒喉痺燒研水服方寸七

問荆芥性格主何効力產於何地

(七)



答氣味辛溫無毒主寒熱鼠瘻癰癧生瘡破積聚氣下瘀血除濕疸

本經上品

產河南湖南亦出

陳修園曰荆芥氣溫稟木氣而入肝膽味辛無毒得金味而入肺氣勝於味以氣為主故所主皆少陽相火厥陰風木之症寒熱往來鼠瘻癰癧生瘡等症迺少陽之為病也荆芥辛溫以發相火之氣則病愈矣飲食入胃散精於肝肝不散精則氣滯而為積聚肝藏主血血隨氣而運行肝氣一滯則血亦滯而為癰疽癰疽之為病也荆芥辛溫以達肝木之氣則病愈矣其除濕疸者以疸成於濕荆芥溫而兼辛辛入肺而調水道水道通則濕疽除矣今人炒黑則變為燥氣而不能達失其辛味而不能發且謂產後常用之品味甚

問用法若何

答治血炒黑用有用穗者

穗在於巔故善升發

問有無禁忌

答反魚蟹河豚驢肉

問白芷性格主何効力產於何地

答氣味辛溫主女人漏下赤白血閉陰腫

風在下焦而兼濕熱之症

寒熱

營衛風在

風侵頭目淚

出風在上竅長肌膚潤澤可作面脂

風氣乾燥風去則肌肉生而潤澤矣

本經上品徐靈胎註

產四川為正湖南

亦出



凡驅風之藥未有不枯耗精液者白芷極香能驅風燥濕其質又極滑潤能和利血脈而不枯耗用之則有利無害者也蓋古人用藥既知藥性之所長又度藥性之所短而後相人之氣血病之標本參合研求以定取舍故能有顯效而無隱害此學者之所殫心也

問用法若何

答微炒用當歸為使

問有無禁忌

答其性升散血熱有虛火者禁用惡旋覆花

問連翹性格主何効力產於何地

答味苦平主寒熱

火氣所鬱之寒熱

鼠瘻癰癧腫惡瘡癭瘤結熱

皆肝經熱結之症

蟲毒

濕熱之蟲

本經下品產河南懷慶府湖北山東山西亦出

徐靈胎註

凡藥之寒熱溫涼有歸氣分者有歸血分者大抵氣勝者治氣味盛者治血連翹之氣芳烈而性清涼故凡在氣分之鬱熱皆能已之又味兼苦辛應秋金之令故又能除肝家留滯之邪毒也

問用法若何

答去心用連翹心藥肆稱零零香近日用者多

問薄荷性格主何効力產於何地

(十)

(九)



答氣味辛溫無毒主賊氣傷寒發汗惡氣心腹脹滿霍亂宿風不消下氣

煮汁服亦堪生食唐本草產江蘇河南蘇產氣芳者良吾湘所用多河南

產

問柴胡有幾種產於何地

答有四種曰紅柴胡產陝西曰北柴胡產河南曰銀柴胡產山西曰竹葉柴胡產河南

州

問柴胡性格主何効力

答味苦平主心腹去腸胃中結氣輕揚之體能疏腸胃之滯氣飲食積聚疏腸胃之滯物寒熱邪氣驅

絡之推陳致新總上三者言之久服輕身明目益精諸邪不能容則正氣流通故有此效
外邪
柴胡腸胃之藥也觀經中所言治效皆主腸胃以其氣味輕清能於頑土中疏理滯氣故其功如此天下惟木能如此土前人皆指少陽之藥是知其末而未知其本也
徐靈胎註

問用法若何

答外感生用內傷升氣酒炒用根中及下降用梢有汗欬者蜜水炒前胡

半夏為使



(十二)

問有無禁忌

答陰虛火炎氣升者禁用惡阜角

問前胡性格主何効力產於何地

答氣味苦寒無毒主痰滿胸中痞心腹結氣風頭痛去痰下氣治傷寒寒

熱推陳致新明目益精

別錄中品

產浙江杭州湖南新化亦出吾湘所用

多新化產

問用法若何

答半夏爲使

問有無禁忌

答無外感者忌用惡阜角

問菊花有幾種

答有二種曰白菊花

產安徽河
南兩省

曰杭菊花

產浙江
杭州

按湖南平江亦出菊花
因用者少故辦者亦少

(十三)

問白菊花性格主何効力



答味苦平主諸風頭眩腫痛目欲脫淚出芳香上達又得秋金之氣故能平肝風而益金水皮膚死肌清肺風

惡風濕痺驅風久服利血氣輕身耐老延年菊花晚開晚落花中之最壽者也故其益人如此

散濕

凡芳香之物皆得治頭目肌表之疾但香則無不辛燥者惟菊得天地秋金清肅之氣而不甚燥烈故於頭目風火之疾尤宜焉

(十四)

問杭菊花性格主何効力

答味甘氣香明目去風清理三焦鬱火搜通肝肺二氣止咳逆癆肌熱

頭昏目眩益血悅顏

(十五)

問黃松節性格主何効力產於何地

答氣味苦溫無毒主治百邪久風風虛脚痺疼痛釀酒主脚軟骨節風

上品產安徽

問用法若何

答杵碎浸酒良

(十六)

問松脂性格主何効力產於何地

答味苦溫主疽惡瘡頭瘍白禿疥癩除濕火所化之病風氣香散安五藏補脂液除熱性耐寒暑

錄別



久服輕身不老延年 松多脂而本經上品壽故也 徐靈胎註 此藥物肆未備

松之精氣在皮故其脂皆生於皮其質粘膩似濕而性極燥故凡濕熱之在皮膚者皆能治之凡癩疽疥之疾皆皮膚濕火所鬱必腐肉傷皮流膿結痂而後愈松之皮日異月新脂從皮出全無傷損感其氣者即成膿脫痂而愈

義取其象之肖也

(十七)

問豨薺草性格主何効力產於何地

答苦辛生寒熟溫治肝腎風氣四肢麻痺筋骨冷痛腰膝無力風濕瘡瘍

若痺痛由脾腎兩虛陰血不足 唐本草 產長沙各省均出

問用法若何

答去粗莖留枝葉花實酒拌蒸晒九次蜜丸甚益元氣搗汁熬膏以甘草

生地煎膏煉蜜三味收之酒調服尤炒

問有無禁忌

答不由風濕而得痺痛忌服

問細辛性格主何効力產於何地

答味辛溫主欬逆 散肺經 頭痛腦動 散頭 百節拘攣風濕痺痛死肌 散筋骨肌 久

(十八)



服明目利九竅散諸竅輕身長年風氣除則身健而壽矣產奉天吉林

此以氣為治也凡藥香者皆能疏散風邪細辛氣盛而味烈其疏散之力更大且風必挾寒以

問用法若何

答揀去雙葉者用

問有無禁忌

答味厚性烈不可過用惡黃耆山茱畏硝石滑石反藜蘆

問藁本藥肆稱西芎性格主何効力產於何地

答氣味辛溫無毒主治婦人疝瘕陰中寒腫痛腹中急除風頭痛長肌膚

悅顏色本經中品產湖南攸縣茶陵縣亦出

張隱庵曰藁高也藁本始生崇山得天地崇高之氣稟太陽標本之精故下治婦人疝瘕陰中寒腫痛中治腹中拘急上除頭痛蓋太陽之脈本於下而上額交巔出入於中土也太陽陽氣有餘則長肌膚悅顏色

問明天麻性格主何効力產於何地

答氣味辛溫主諸風濕痺四肢拘攣小兒風癇驚氣利腰膝強筋力久服

益氣輕身長年開寶產四川雲南陝西三省



莖名赤箭氣味辛溫無毒殺鬼精物蠱毒惡氣久服益氣力長陰肥健
本經上品

張隱庵曰赤箭氣味辛溫其根名天麻氣味甘平蓋赤箭辛溫屬金金能制風而有弧矢之威故主殺鬼精
物天麻甘平屬土土能勝濕而居五運之中故能治蠱毒惡風天麻形如芋魁有遊子十二粒周得之以散
十二辰十二子子在外應六氣之司天麻如皇極之居中得氣運之全
故功同五芝力倍五參為仙家服食上品是以久服益氣力長陰肥健

天麻蘆本草未載主治近日藥肆備有此物出售

問用法若何

答溼紙包煨熟切片酒浸一宿焙用

問有無禁忌

答血液衰少及類中風者忌用風藥能燥血故也

問秦艸性格主何効力產於何地

答氣味苦平無毒主寒熱邪氣寒濕風痺肢節痛下水利小便本經中品產

陝西漢中為正其次雲南產為多四川產為少

張隱庵曰秦艸氣味苦平色如黃土羅紋交糾左右旋轉稟天地陰陽交感之氣蓋天氣左旋右轉地軸右
旋左轉左右者陰陽之道路主治寒熱邪氣者地氣從內以出外陰氣外交於陽而寒熱邪氣自散矣治寒



濕風痺肢節痛者天氣從外以入內陽氣內交於陰則寒濕風三邪合而成痺以致肢節痛者可愈也地氣運行則水下天氣運行則小便利

問有無禁忌

答畏牛乳

問鈎藤性格主何効力產於何地

答氣味甘微寒無毒主小兒寒熱十二驚癇別錄藤細多鈎者良純用鈎

其功加倍產湖南長沙廣西亦出

問用法若何

答不可久煎久煎則無力

問蔓荊子性格主何効力產於何地

答氣味苦微寒無毒主治筋骨間寒熱濕痺拘攣明目堅齒利九竅去白

蟲久服輕身耐老小荆實亦等本經上品產湖南長沙各省均出

張隱庵曰蔓荊多生水濱其子色黑氣味苦寒稟太陽寒水之氣化蓋太陽本寒標熱少陰本熱標寒主治筋骨間寒熱者太陽主筋病少陰主骨病治太陽少陰之寒熱也濕痺拘攣濕傷筋骨也益水之精故明目補骨之餘故堅齒九竅為水注之氣水精充足故利九竅蟲乃陰類太陽有標陽之氣故去白蟲久服則筋骨強健故輕身耐老小荆實亦等言蔓荊之外更有一種小荆其實與蔓荊之實功用相等可合一而並用



也

問用法若何

答去膜打碎用亦有酒蒸炒用者

問有無禁忌

答惡石膏烏頭

問白鮮皮性格主何効力產於何地

答氣味苦寒無毒主治頭風黃疸欬逆淋瀝女子陰中腫痛濕痺死肌不

可屈伸起止行步 本經中品 產湖南長沙

張隱庵曰白鮮臭腥色白氣味苦寒稟金水之精而治風熱之症主治頭風金能制風也治黃疸水能清熱也稟金氣而益肺故治欬逆稟水氣而益膀胱故治男子之淋瀝女子之陰中腫痛燥氣屬金故治濕痺之死肌水氣主骨故治骨屬不可屈伸及不可起止行步也

問用法若何

答根白黃而心實取皮用

問有無禁忌



卷四五 七

答惡桑蠟蛸桔梗茯苓萆薢

(二五)

問威靈仙性格主何効力產於何地

答辛泄氣鹹泄水氣溫屬木其性善走能宣疏五藏通行十二經絡治中

風痛風頭風頑痺癥瘕積聚痰水宿膿黃疸浮腫大小腸祕風濕痰氣

一切冷痛性急快利積疴不痊者服之有捷効然疏泄真氣弱者慎用

開寶 產湖南長沙廣東亦出吾湘所用多湖南產

問側柏葉性格主何効力產於何地

答氣味苦微溫無毒主治吐血衄血痢血崩中赤白輕身益氣令人耐寒

暑去濕痺生肌 本經上品 產長沙各省均出

張隱庵曰凡草木耐歲寒經冬不落葉者陰中有陽也冬令主太陽寒水而水府屬太陽水藏屬少陰柏葉稟寒水之氣而太陽為標稟少陰之氣而君火為本故氣味苦微溫主治吐血衄血痢血崩中赤白者得水陰之氣而資養其血液也輕身益氣令人耐寒暑去濕痺生肌者得太陽之標少陰之本而補益其陽氣也柏子仁氣味甘平故稟太陽寒水而兼得太陽之土氣側柏葉氣味苦微溫故稟太陽寒水而兼得少陰君

火葉與實之所
以不同如此

問用法若何

